

吉 凶 影 響 錄

岑 象 求 撰

HW7387/306

吉凶影響錄

本館據龍威秘書
本排印初編各叢
書僅有此本

吉凶影響錄

宋 岑象求

章丹未第時，洛陽橋見漁者得一龍甚大，丹異之，買投於河。後有元長史名濬之來謝謁，卽其龍也。治平中，黃靖國死，見冥中數獄吏指一所曰：「此唐武后獄，后惡至大，方以大璽貯黃蜋蟹之也。」酷吏奸臣，皆有獄也。

馮乘虞蕩夜獵，見一大麋，便云：「虞蕩，汝射殺我耶？」明晨得一麋而入，卽時蕩死。曾子從仲尼在楚，而心動，辭歸問母。母曰：「思爾。」齧指。孔子曰：「曾參之精感萬里。」靈帝光和元年，南宮侍中寺雌雞欲化爲雄，一身毛皆似。

次年，南宮傍舍一雌雞亦化爲雄，一身毛皆似雄，但頭冠尙未變。

昭帝時，上林苑中大柳樹斷仆地，一朝立起，生枝葉，有蟲食其葉，成文字。魯定公元年，有九蛇繞樹，占以爲九世廟不祀，乃立煬宮。